

LETTRE  
ENVOYEE  
A  
SA SAINTETE,  
TOUCHANT  
LE RESTABLISSEMENT  
DE LA  
PAIX GENERALE  
DE FRANCE.

A PARIS,  
Chez la Veuve THEOD. PEPINGVE', & Esr.  
MAYCROY, rue de la Harpe, vis à vis  
la rue des Mathurins.

---

M. DC. XLIX.

LETTRE

ENVOYÉE

A

SA SAINTÉTÉ

TOUCHANT

LE RÉTABLISSEMENT

DE LA

PAIX GÉNÉRALE

DE FRANCE

A PARIS,

Chez la Veuve et le Libraire, & Est.

MAISON, rue de la Harpe, vis-à-vis

la rue des Mathurins.

M. DC. XLIX.





# LETTRE

## ENVOYEE

A Sa Sainteté, Touchant le  
retablissement de la Paix  
generale de France.

SAINCT PERE,

Les felicitéz publiques, qu'un chacun de nous  
bons François, se sont promis de vostre eslection  
au saint Siege, ne seroient pas accomplis, & vos  
bontez, qui desia ont esté suivies de quantité de  
bons effets d'affection que vous avez voulu tesmoi-  
gner à la France, ne se rendroient assez illustres  
d'eux-mesmes, s'ils n'estoient saints & remplis de  
belles vertus, iusques à contribuer vostre pouvoir  
aux pressantes necessitez de son Estat, de ses Pro-

uinces, & de ses peuples, & en vn mot de son Eglise, qui semble beaucoup plus tesmoigner par son silence les regrets & les ressentimens qu'elle souffre des querelles, & de l'aneantissement de ses peuples, & de la destruction de ses Autels, que ie croy que si ce Prototype de toutes choses, & cet Architecte de cette machine celeste, n'appaise & n'esloigne les fleches de sa iuste colere, prestes d'estre décochées à nostre ruine; & ne change ses foudres, desia penchans sur nos testes rebelles, par vne extrême bonté, il ne restera plus aux hommes que de s'armer, & pour apres contre parties aduerses, contre sa patrie, & au desauantage de son prochain, & à la ruine de ses propres enfans, se rendre parricide: mais l'assurance du fruit que nous nous proposons cueillir de vos prieres auprès de nostre Roy Tres-Chrestien, & de la Reyne Regente sa mere, desia consentant à vos iustes requestes, ne nous donneront pas moins de resioüissance, que nous esperons le manger en profonde paix; Et pour rendre ses bons seruices à la France, il n'est pas, s'il vous plaist, besoin d'armes, vos merites & vos vertus seruiron d'vn ample sujet à nostre genereuse Reyne: & puis, Dieu desire que l'autorité qu'il vous a donnée, traueille à l'vnion de son Eglise, & de ses peuples, attachez à vostre domaine, & adherans à vostre Saint Siege, comme l'Allemagne, la France, & l'Espagne, & quantité d'autres.



d'autres pays, qui commencent par le trouble des guerres qui s'allument dans leurs Royaumes, & dans leurs Prouinces, à chanceler dans leur Religion. L'Allemagne vous seruira, s'il vous plaist, de tableau, dans lequel seront depeintes les guerres passées, & durant les mesmes temps les schismes qui se sont formez. L'Angleterre du dernier siecle, aujourd'huy l'Espagne contre la France : mais ce n'est pas encore assez, faut qu'outre les autres guerres nostre Auguste Parlement de la capitale du Royaume, soit aujourd'huy forcé de prendre les armes contre vn seditieux, & vn perturbateur du repos public, pour rauoir nostre Roy, qui nous a esté enleué par ses complots & ses stratagemes. Vn Roy, qui ne nous promet pas moins par ses tendres années, que fait vn lys bien arrousé & cultiué. C'est donc nostre Roy que nous taschons d'auoir, Sainct Pere, c'est cette Rose engagée entre les espines, apres laquelle nous cherchons, qui est arrestée par ses flateurs : de plus, ce sont nos Princes, ce sont les lauriers verdoyans qui composent la Cour & la Couronne de nostre Roy. Ce n'est pas encore assez, c'est la Paix aujourd'huy que nous demandons avec luy ; c'est nostre Pere qui a laissé ses enfans, c'est nostre Tuteur qui a laissé ses orphelins : en vn mot, c'est nostre Roy qui a laissé ses subjets : estant nostre Pere, nous ne le voulons pas quitter, estant nostre Tuteur, nous voulons

l'honorer ; nôstre Roy , nous voulons luy obeïr.  
 C'est donc avec vne cause iuste , Saint Pere , que  
 nous prenons les armes pour rauoir nôstre Roy,  
 que iecroy auoir esté perdu dans le grand nom-  
 bre de Roys qui estoient ce iour-là : Toutefois ie  
 croirois plus facilement qu'il estoit avec nos trois  
 Roys pour aller adorer le Sauueur du monde ,  
 ayant pour guide la mesme Estoile que nos trois  
 Pelerins, ou plustost, que par vn malheur à la Fran-  
 ce , nôstre Roy ne perdit de veüe cette Estoile,  
 pour prendre celle là de Saint Germain. Ouy,  
 c'estoit asseurement cette Estoile maligne qui le  
 conduisoit, c'est cette lumiere qui par ses effets &  
 son apparence trompeuse , a ce iourd'huy esloi-  
 gné nôstre Roy du chemin de la capitale de son  
 Royaume : c'est cette constellation sanguinaire,  
 qui nous a aujourd'huy pronostiqué les grands  
 malheurs dans lesquels nous sommes tombez ;  
 c'est dessous ce faux masque rouge, qui paroissoit  
 à nos yeux semblable à vne Estoile brillante , &  
 remplie de lumiere, où il ne paroissoit que du sang  
 & de la cruauté. Ce sont les cordons de ce Cha-  
 peau rouge qui nous tiennent liez , que nous  
 croyions estre pour amener à la France nos enne-  
 mis captifs ; c'est pour vn seul homme que la Fran-  
 ce vous requiert de vouloir estre son Mediateur,  
 l'Arbitre de ses differens, & l'Ange Tutelaire de ses  
 Autels. C'est à ce coup qu'elle souhaite que vostre



Saincteté "prenne la peine d'en voir vn fidel ex-  
traict , sans les desguisemens que l'on y peut ap-  
porter , & d'escouter les personnes des-interessées:  
Elle aura peine de s'empescher de verser des lar-  
mes sur les miseres qui peuuent naistre des senti-  
mens si contraires à l'affection que vous auez eue  
iusques à present pour la France : & ce fera par les  
effets de vostre puissance , & de l'autorité que  
Dieu a laissé au Prince des Apostres, que la Fran-  
ce en general se reconnoistra obligée à iamais des  
faueurs, dont vostre Sainteté n'a cessé de l'hono-  
rer par vostre eslection au Sainct Siege, comme  
aussi de se dire, Sainct Pere, d'une viue voix.

